

**PRAVILNIK
O DOPUNAMA PRAVILNIKA O RADU**

Sarajevo, oktobar 2022. godine

Na osnovu člana 27. Zakona o ustanovama („Službeni list RBiH“, br. 6/92, 08/93 i 13/94), člana 118. Zakona o radu („Službene novine Federacije BiH“, br. 26/16, 89/18 i 44/22), čl. 17. stav (2), člana 17. i 18. Odluke o osnivanju Kantonalne javne ustanove za zaštićena prirodna područja („Službene novine Kantona Sarajevo“, broj 31/17), člana 26. tačka f) Pravila Kantonalne javne ustanove za zaštićena prirodna područja broj: 01-144 I UO/18 od 27.06.2018. godine, te člana 132. Stav 1. Pravilnika o radu Kantonalne javne ustanove za zaštićena prirodna područja broj 01-609U.O/19 od 04.07.2019. godine, a nakon prethodno provedenih konsultacija sa Sindikalnom organizacijom čiji su članovi radnici Kantonalne javne ustanove za zaštićena prirodna područja, Upravni odbor Kantonalne javne ustanove za zaštićena prirodna područja na šestoj redovnoj sjednici održanoj dana 19.10.2022. godine donio je

PRAVILNIK O DOPUNAMA PRAVILNIKA O RADU

Član 1.

(Novi član 69a. i 69b.)

U Pravilniku o radu Kantonalne javne ustanove za zaštićena prirodna područja broj 01-609U.O/19 od 04.07.2019. godine iza člana 69. dodaje se član 69a. i 69b. koji glase:

„Član 69a.

(1) Zbog općeg povećanja cijena dobara i usluga, a uslijed nemogućnosti povećanja koeficijenata, propisanih članom 73. i 74. ovog Pravilnika, osnovna plaća radnika se povećava za 5%.

(2) Ukoliko se osnovna plaća isplaćuje u iznosu od 70% prosječne neto plaće isplaćene u Federaciji Bosne i Hercegovine, prema posljednjem objavljenom statističkom podatku, u tom slučaju se na taj iznos vrši uvećanje plaće za 5%.

Član 69b.

(1) Odredbe iz člana 69a primijenjuju se počev od 01.10.2022. godine i traju do izmjene članova 73. i 74. ovog Pravilnika kojima su utvrđeni koeficijenti za obračun plaće, a najduže do isteka važenja Kolektivnog ugovora za državne službenike i namještenike u organima državne službe Kantona Sarajevo („Službene novine Kantona Sarajevo“, broj 30/22).

(2) O ostvarivanju prava na povećanje osnovne plaće radnika po osnovu člana 69a. ovog Pravilnika poslodavac će donijeti pojedinačne odluke.“

Član 2.

(Saglasnost na Pravilnik, objavljivanje i stupanje na snagu Pravilnika)

(1) Na ovaj Pravilnik daju saglasnost sindikalna organizacija radnika zaposlenih kod Poslodavca i Vlada Kantona Sarajevo.

- (2) Pravilnik će se javno objaviti isticanjem na oglasnoj ploči Poslodavca, a nakon prethodno pribavljene saglasnosti sindikalne organizacije kod Poslodavca i Vlade Kantona Sarajevo.
- (3) Pravilnik stupa na snagu osmog dana od dana objavljivanja na oglasnoj ploči Poslodavca.
- (4) O danu objavljivanja Pravilnika sačinjava se službena zabilješka koju ovjerava Poslodavac.

**Predsjednik
Upravnog odbora**

Broj: 01-940 /22
U Sarajevu, 19.10.2022. godine